



Page: 5

Reach: 0

Country: BOSNIA AND HERZEGOVINA

Size: 84 cm2

1 / 1

Rasvjetljen pokušaj ubistva taksiste



A. ŠIŠIĆ

SARAJEVO - Državna agencija za istrage i zaštitu BiH (SIPA) u sklopu nastavka istrage u predmetu "Lutka" uspjela je rasvijetliti pokušaj ubistva Envera Suljagića, predsjednika Udruženja "Sarajevo taxi" iz novembra 2010. godine, saopćeno je juče iz SIPA.

Kako saznajemo u Tužilaštvu BiH, za ovaj pokušaj likvida-

cije sarajevskog taksiste optužena je grupa Darka Eleza, kojoj se inače pripisuje i pet ubistava, nekoliko pokušaja ubistava, razbojničke pljačke, iznude i druga teška krivična djela organiziranog kriminala.

Saznajemo da će u ovom slučaju biti podignuta zasebna optužnica, iako je slučaj rasvijetljen u okviru "Lutke".

U međuvremenu, Tužilaštvo BiH od Državnog suda čeka poziv za ročište o izjašnjenju o krivnji 32 optužena u predmetu "Lutka".

"Još nemamo termin kada je ročište, nakon čega treba da počne suđenje, ali ono zbog zakonskog roka mora da bude održano najkasnije do kraja ovog mjeseca", rečeno je "Nezavisnim" u Posebnom odjelu.

**KLAN
Za pokušaj likvidacije
taksiste Envera
Suljagića Tužilaštvo
tereti grupu
Darka Eleza**

I u Sudu BiH juče su potvrdili da još nemaju zakazan termin za izjašnjenje optuženih u ovom predmetu, a "stručni saradnici", koji imaju više detalja i određuju proceduru i tok procesuiranja, bili su na suđenju.

Podsjećamo, krajem avgusta Tužilaštvo BiH podiglo je optužnicu protiv ukupno 32 osobe u okviru predmeta protiv Darka Eleza i drugih. Optuženima se stavljaju na teret neka od najtežih djela organizovanog kriminala počinjena u proteklih 10 godina na području BiH.